

29898
24.

掌銓題稿

卷十一之十三
加恩起用



掌鈺題藁目錄

卷之十一

議差尙書朱衡治漕河疏

議總督劉應節給由加恩疏

議加恩管河郎中張純疏

議恤刑官在差考滿疏

卷之十二

起用賢才疏

議加副使鄭洛職銜疏

議起用布政王宗沐疏

議加副使傅希摯職銜疏

題豁 王親疏

查處 王親疏

議豁 王親疏

議豁 王親疏

議豁 王親疏

議加致仕僉事陳乙服色疏

卷之十三

議處知州等官容朝望等加銜疏

議處直隸縣官加恩疏

議留定興縣知縣任鎧疏

議處順天等府更置守令疏

議處知縣張旆加恩疏

議處廣東有司官加恩疏

議處江西縣官加恩疏

議處福建州縣官疏

議處廣西官員久任疏

議處知州唐執中疏

掌銓題藁卷之十一

議差尚書朱衡治漕河疏

該禮科左給事中雒遵題稱近年黃河爲
患治非其人梗阻漕船屢虧

國課查得嘉靖四十四年黃河決沛縣運道
滯阻糧船選用工部尚書朱衡總理河道
開脩便利其經理規度種種可式今治河
諸官皆稱仍得本官治理譽望久著官屬
樂從乞將本官暫令總理河道前來徐邳

一帶整脩河防待治有次第仍取回部管事等因奉

聖旨吏部看了來說欽此欽遵爲照今日

國家之患無如漕河之未利則今日急要之務無如治河之任人尙書朱衡昔年治河旣效地方之人旣皆思之則可任之人無如衡者蓋運其故智事必可底於成動以先聲人必樂爲之用漕運之利濟端可望也但本官久縮部章似難出之河道而

朝廷方有大事又難拘於常規合無暫將本官量兼憲職領

勅前去經畧事宜督理工程待成功之日另行題

請回部管事其河道員缺仍舊推補庶專職有在旣不廢其常而調度有人又可通其變等因隆慶六年正月初九日題十一日奉聖旨是朱衡着兼都察院左副都御史前去經理河工寫勅與他

議總督劉應節給由加恩疏

該整飭薊州等處邊備兼巡撫順天等府
地方都察院右僉都御史劉應節奏爲給
由事奉

聖旨吏部知道欽此欽遵抄出送司查出本部
見行事例凡各處總督巡撫等都御史三
年考滿具

奏到部查理明白具題就彼復職管事又查
得先該本部題爲遵

明旨陳愚見乞

勅加慎銓選以激勵邊功事一議處邊方巡撫
內開係僉都御史三年考滿陞副都御史
候考滿文移到部轉行兵部查無地方失
事效有勤勞或雖曾失事而罪不掩功者
卽照前擬格例題

請陞授等因卽奉

聖旨是邊方巡撫等官久任陞遷格例都依擬
行欽此隨該本部申明前例議得考滿歷

俸月日中間如帶有別俸通理者必須邊
俸居三分之二以上方得照例題

請等因節奉

聖旨這邊臣考滿恩例俱依擬行欽此今本官
前任巡撫河南歷俸三個月零十五日今
任薊州歷俸三十二個月零十五日查係
邊俸居三分之二以上行准兵部職方清
吏司手本回稱卷查隆慶二年十二月內
爲欽奉

聖諭事該本部題各邊文武諸臣脩守戒備效
有勤勞開具職名節奉

欽依劉應節賞銀二十兩紵絲一表裏欽此隆
慶三年閏六月內該巡按直隸監察御史
房楠具題查勘隆慶二年十二月拒堵達
賊退遯緣由本部議擬勞宜首錄奉

欽依劉應節賞銀三十兩紵絲一表裏欽此隆
慶四年二月內該副遼總督侍郎譚綸順
天巡撫都御史劉應節題爲增設重險以

保萬世治安事本部議擬當加優賚題奉
欽依劉應節賞銀二十兩欽此查得本官並無
地方失事等因回報前來通查案呈到部
看得整飭薊州等處邊備兼巡撫順天等
府地方都察院右僉都御史劉應節歷正
四品俸三年考滿既經具奏前來查理明
白係在京堂上官員例不考覈相應引
奏復職但本官奉

勅巡撫前項地方難以離任合無行令就彼復
職管事及照該鎮巡撫原在題

准破格優處數內今本官久勞邊務夙著壯猷
效有保障之功凡副鎖鑰之寄茲當考績
委與前項格例相合相應酌議上

請合候

命下將本官照例陞授都察院右副都御史照
舊巡撫順天等府地方但

恩典出自

朝廷臣等未敢定擬等因隆慶四年七月初

七日題初九日奉

聖旨劉應節陞都察院右副都御史照舊巡撫
寫勅與他

議加恩管河郎中張純疏

該總理河道兼提督軍務都察院右副都
御史潘季馴題稱河工已成管理南河工
部都水司郎中張純志行貞亮才識充融
全河皆其履歷要害固所熟知欲保是河
誠非本官不可但本官資俸不淺倘從別
補况昔年新河隄壩累有勞績今歲開復
邳河又當首叙稍從優處亦不爲過合無
將本官擢以副使之職專理河道俟三年
之後著有成績他擢南河仍復故銜等因
奉

聖旨吏部知道欽此欽遵抄出送司查得郎中
張純調補營繕司郎中隨將員外呂一靜
陞補管河郎中訖查呈到部爲照郎中張
純已經調補似難復留但河道係

國家重務本官既能熟知其事將來必有成績可望至於加陞副使則屬有地方必受撫按節制理河翻爲不便相應酌處合候命下將張純仍以都水司郎中照舊管理河務待河工有成另議超陞郎中呂一靜卽改營繕司郎中回部管理司事等因隆慶五年八月十七日題十九日奉

聖旨是

議恤刑官在差考滿疏

該刑部左侍郎王國光等題稱本部湖廣等司主事馬顧澤等大理寺右評事盧整等俱差往南北直隸等處審錄大率以二三年方得事完復

命但各官自隆慶五年以後皆當三六年考滿之期今奉前差難以赴部給由乞照戶部公差事例將行過事蹟并考語送部考覈具題就彼復職管事等因奉

聖旨吏部知道欽此欽遵抄出送司查得見行

事例戶部等部奉

勅公差管理各邊糧差屯種并鐵冶河道輓廠
及漕運理刑南直隸提學御史等官考滿
不得赴京只具呈該衙門將行過事蹟并
考語咨部考覈具題就彼復職管事其巡
按審錄各鈔關洪關等差俱候事完赴部
又查得嘉靖四十五年該河南等道御史
陳聯芳等奏爲比例乞

恩定出差給由之制以體憲臣以沾奉治事該
本部會同都察院議將南直隸印馬屯田
及雲南貴州廣東廣西福建四川巡按御
史滿期已過差事未完不得赴京及南北
各差未完考滿及期遇有陞遷事故者俱
許具由呈部考覈具題

請給應得

恩典其餘省分各差御史仍照舊例通候事完
回京補考等因奉

聖旨是欽此今該前因通查案呈到部爲照巡

按乃風紀攸司審錄實重辟所係非若各
差之比故稱職與否必待差完赴部補考
厥惟定典實有深意後因御史陳聯芳等
比例陳乞而部院議覆將南直隸印馬屯
田及雲貴兩廣福建四川巡按御史許就
差考覈亦惟量其職任之稍簡及道里之
最遠者以示體悉之意其餘省分各差御
史不得援此爲例也今該刑部左侍郎王
國光等具題前來既經該司查有前例相
應酌擬合無姑照前例將雲貴兩廣福建
四川審錄郎中等官許就差考滿具由申
部其餘省分恤刑官仍照例候事完回京
補考等因隆慶五年二月十三日題十五
日奉

聖旨是

掌銓題藁卷之十一終

掌銓題藁卷之十二

起用賢才疏

看得吏科都給事中韓楫等題大學士等
官郭朴等二十六員應

召取者

召取應推用者推用一節除郭朴係輔臣
召用宜候

宸斷臣等不敢擅擬叅政等官姚九功陳宗虞
張萬紀皆經先後考察嚴例不敢擅開無

容別議外其霍冀以下二十二員才尙可
用委難終棄相應題
請恭候

命下將尙書霍冀侍郎陸樹聲劉燾吳嘉會楊
魏冀鍊都御史張松李燧溫景葵張祉行
太僕寺卿蔡結叅政馮臯謨副使溫如璋
張加孚盧鎰黃憲卿張昇主事魯邦彥御
史劉存義柴祥叅議常三省僉事沈淮俱
候有相應員缺酌量起用等因隆慶五年
五月二十九日題六月初二日奉

聖旨是

議加副使鄭洛職銜疏

看得巡撫宣府等處地方賚理軍務都察
院右副都御史王遴題薦懷隆兵備道副
使鄭洛儁穎天成機宜神解允爲卓異似
應查照近例超陞一級仍管原務以示優
待一節爲照副使鄭洛旣經巡撫官具題
前來相應依擬合候

命下將本官加陞山西布政使司右叅政仍兼

副使職銜照舊管理懷隆兵備事務本部
給憑移咨該部換給

勅書令其欽遵行事隆慶四年五月初四日題
初六日奉

聖旨是

議起用布政王宗沐疏

看得提督軍務巡撫浙江等處地方都察
院右副都御史谷中虛南京吏科給事中
王禎各題薦左布政使王宗沐賢能乞要

錄用一節爲照時事多艱人才難得如王
宗沐者年力旣壯才華更優令其老於丘
園委有可惜旣經都御史等官奏薦前來
與本部查訪相同相應題

請合候

命下將王宗沐遇有相應員缺起用隆慶四年
八月二十七日題二十九日奉

聖旨是

議加副使傅希摯職銜疏

看得總督漕運兼提督軍務巡撫鳳陽等處地方都察院右副都御史陳夔題稱准揚海防兵備副使傅希摯三年任滿例應給由本官職司海防地方倚賴擅難起送乞要保留以資幹濟查照近例加陞職銜仍舊管事一節既經都御史具題前來相應依擬合候

命下將傅希摯免其赴京給由加陞浙江布政司右叅政仍兼副使職銜照舊管理原務本部給憑移咨該部換給

勅書令其欽遵行事隆慶五年三月初七日題
初九日奉

聖旨是

題 王親疏

文選清吏司案呈奉本部送准總督陝西三邊軍務都察院右都御史兼兵部右侍郎王崇古咨稱行據陝西布政司揭報本司左布政使栗永祿女先爲

沁水府輔國將軍夫人近於隆慶三年八月
二十七日病故相應照例開豁 王親推
陞京職等因又准巡撫陝西都察院右副
都御史張師載咨同前事到部送司查得
大明會典一欵凡文職本身并族屬有女爲王
妃爲夫人男爲儀賓等項俱各見在及有
子孫者不許陞除京職或已故及無子孫
一體陞除通查案呈到部看得陝西左布
政使栗永祿有女先爲

沁水府輔國將軍夫人於隆慶三年八月二
十七日病故既經督撫官會咨前來相應
照例開豁 王親一體陞授京職合候
命下遇有相應員缺咨 臣等卽行推用等因隆
慶四年三月十七日題十九日奉

聖旨是

查處 王親疏

該吏科都給事中韓楫條陳內一欵弘登
薦之例該本部覆議得今後陞授官員除

係 王親同祖親枝妃與儀賓郡縣主未
故者照例應禁外其不係同祖與夫人以
下之親及係同祖而妃與儀賓郡縣主已
故者一體陞除在京大小官職以爲定例
再照女爲夫人以下之親既遵條例在所
不禁則男爲郡縣鄉君儀賓者亦係將軍
以下之親親屬相同而儀賓之家獨家禁
抑似爲未均合無今後郡縣鄉君儀賓之
親照依夫人以下不禁事例亦從開豁一

體陞除京職以補條例所未備之意庶禁
例均平事體歸一

宗室免怨曠之虞賢才無沉抑之嘆矣等因
奉

聖旨是欽此欽遵咨部送司案呈到部看得

王親禁例開載未詳一向遵守無據今該科

臣 建議禮部題咨前來亦既明白但天下

官員係 王親者甚多新例一開便當不
拘內外推用於例合否難以一一稽查

應題

請着落各地方官覆實以便銓補恭候

命下咨行各撫按衙門備將該省鄉宦不拘見

任聽用凡係 王親者俱各查明要見某

官有無與前例相合應否開豁通限文到

一月以裏從實回奏以憑酌用施行等因

隆慶五年四月十三日題十五日奉

聖旨是

議豁 王親疏

看得陝西左布政使 曹金有姊爲

汝陽府奉國將軍淑人委係夫人以下之親

不在應禁之例旣經都御史栗永祿勘明

咨報前來相應照例開豁 王親一體陞

授京職合候

命下遇有相應員缺推用隆慶五年四月二十

一日題二十三日奉

聖旨是

議豁 王親疏

看得同知牛若愚王用章推官周子德知縣楊時寧各官雖係王親實爲夫人及將軍以下之親不在應禁之例旣經彼處撫按官查勘明白會題前來相應照例開豁王親一體陞授京職合候

命下遇有相應員缺推用隆慶五年八月十一日題十三日奉

聖旨是

議豁王親疏

看得左布政使李敏德右叅議朱守約聽用僉事李可久知府李充善同知張崇謙通判楊良才知州沈應坤各官雖係王親實爲夫人及將軍以下之親不在應禁之例旣經彼處都御史查勘明白具題前來相應照例開豁王親一體陞授京職合候

命下遇有相應員缺推用隆慶五年十一月二十一日題二十三日奉

聖旨是

議加致仕僉事陳乙服色疏

該巡撫河南等處地方都察院右副都御史栗永祿題稱開封府杞縣致仕鄉宦原任四川按察司僉事陳乙比因考績赴部中途患病乞休杜門守靜躬耕自食三十年丘園高臥七十歲精白一心荷

朝廷進階之

新恩割已私附郭之膏壤計畝一十二頃價值

一千餘金隨即召人佃種每畝課銀一錢五分除納糧外計每年課銀一百四十兩徵收在縣給助貧生婚喪之用又因水患風災條議賑恤本宦將庄地六畝三分上蓋樓瓦草房願輸入官折穀備賑本縣先將樓房變賣銀六十兩庄地并草房每年課銀四兩六錢五分照數封官賑濟貧民誠爲尚義相應旌表量加服色以彰激勸等因又該巡按河南監察御史楊家相題

同前事俱奉

聖旨該部知道欽此欽遵爲照仕進者壯年之所貪也而本官年當強仕輒自乞休有如陶潛之歸去貪得者老年之所戒也而本官年踰老傳捐產養士有如仲淹之義施况其居官十餘載俱稱有守有爲及今居鄉廿餘年尤稱有德有行旣經撫按官具題前來誠宜議處以激頽風合無將原任四川按察司僉事今致仕陳乙量加四品服色用示優獎但

恩命出自

朝廷臣等未敢定擬等因隆慶五年十二月二十五日題二十七日奉

聖旨是

掌銓題藁卷之十二

議處知州等官容朝望等加銜疏

該巡撫四川右僉都御史嚴清咨稱會同

巡按御史王廷瞻議得賢能所宜久任官

員如崇慶州知州容朝望應加府同知職

銜射洪縣知縣李猷新都縣知縣甘閣各

應加知州職銜令其久任一節爲照知州

等官容朝望等三員旣經撫按官會處移

咨前來俱相應各照新例加授但州縣官

加以職銜則名分爲崇仍管原務則禮節爲屈欲盡禮節則位之所在既嫌於自卑欲循名分則職之所拘又嫌於自抗上下之間易生乖梗所以近來加秩官員反稱不便往往不能展布如前甚至有告休而去者則此法之未善可知也若止加服俸亦足示優俟其政成就以所加品格陞用其分數亦自有在而目前上官自可相臨州縣之事上官亦可盡禮以爲穩便合無恭候

命下將知州容朝望加陞正五品服俸知縣李猷甘閭俱加陞從五品服俸仍各管原州縣事務以示優異各給文憑令其欽遵行事以後如果不替初心政有成效卽各照正從五品陞用等因隆慶四年二月十七日題十九日奉

聖旨是

議處直隸縣官加恩疏

看得總督漕運戶部左侍郎兼都察院右
僉都御史趙孔昭巡按直隸監察御史王
友賢會題稱要將淮安府安東等縣知縣
范惟恭等量陞職銜仍令在縣照舊管事
各一節爲照本部先曾題奉

欽依有司止宜如以服俸不必加銜今知縣范
惟恭劉正亨旣經撫按官具題前來相應
議處合候

命下將范惟恭劉正亨俱加陞從五品服俸仍
各管原縣事務以示優異本部各給文憑
令其欽遵行事以後如果不替初心政成
之日各照從五品資格陞用隆慶四年二
月十九日題二十一日奉

聖旨是

議留定興縣知縣任鎧疏

文選清吏司案呈奉本部送吏科抄出直
隸保定府定興縣耆民李從智等奏稱本
縣知縣任鎧到任未及三月百務俱有調

停恤里甲不費文錢省刑罰不追片紙愛
民如子治政如家不期本官近以前任韓
城誤被論劾降級別用百姓一聞衆心俱
裂乞

勅吏部俯垂查議照舊存留管理縣事等因奉
聖旨吏部知道欽此欽遵抄出送司查得先該
兵部咨爲恭報勦捕隔省強賊等事內開
原任陝西韓城縣知縣任鎧等玩寇殃民
容奸養亂已經覆奉

欽依降調別用移咨在卷及查知縣任鎧於嘉
靖四十四年四月除授陝西韓城縣知縣
隆慶元年二月回籍三年九月復除定興
縣知縣今據前因通查案呈到部看得定
興縣知縣任鎧蒞任未及三月以事離任
臣昨赴

召道經定興該縣父老士民遮道泣留者不下
千餘人隨面質本管副使何東序知府賈
淇俱稱本官廉靜不擾勤敏有爲民皆愛

戴今該本縣耆民李從智等奏乞存留管
理縣事委出情實爲照百姓之患在不得
良有司而有司之患在不能得百姓之心
今本官既有宜民之政上下相安若以他
事奪之而去不無有失民心但其既奉

欽依降用難以遽免合候

命下將知縣任鎧降俸一級以當前罰仍用原
官管理該縣事務以荅百姓之望如後政
績茂著照例陞遷倘或崇飾虛文無益實
用聽撫按官據實奏

聞併前罪究治等因隆慶四年二月十九日題
二十一日奉

聖旨是

議處順天等府更置守令疏

看得巡撫順天右僉都御史劉應節巡按
直隸監察御史房楠會題要將永平府知
府劉庠破格加銜霸州等州知州田可徹
等固安等縣知縣馮子履等相應久任責

成另候徵擢遷安等縣知縣趙雲翔等併
行人任以觀後效寶坻縣知縣劉不息更
調武清縣知縣灤州知州崔柄平谷縣知
縣樊柘改調簡僻香河等縣知縣員缺查
選各一節爲照守令之賢否生民之休戚
係焉其治績上下雖人人殊惟在馭之之
何如耳故實政宜民者非久任無以竟其
施職業弗克者非改調無以當其用此固
鼓舞吏治之機也今各官旣經撫按會題
前來相應議處合候

命下將灤州知州崔柄平谷縣知縣樊柘俱照
不及事例起送赴部改調簡僻知州田可
徵馮顛高尙仁知縣馮子履王宣化趙德
光李一本賈濂張存智牛麟安守魯劉祐
胡來縉蔡孔泮余乾亨趙雲翔楊舜臣劉
黼劉樞俱令久任候政有成績不次擢用
其永平府知府劉庠年資已深另候酌處
不必加銜寶坻縣亦係畿內要緊地方知

縣劉不息既有善政尤宜久任使得成其治效不必更移武清縣知縣員缺容本部另擇有才力者填補慶於事理爲宜等因隆慶四年三月二十一日題二十三日奉聖旨是崔柄樊秬依擬改調

議處知縣張旆加恩疏

看得巡撫宣府等處地方贊理軍務都察院右副都御史王遴巡按直隸監察御史姚繼可各題稱永寧縣知縣張旆名官謹飭敷政循良今九年任滿委應照例起送給由但本鎮極邊重地若將本官起送給由誠恐地方缺人經理乞要免其赴京留任管事及近奉久任正官以重民牧事例量陞直隸保安州知州職銜照舊管理永寧縣俟有勞勩循資叙遷各一節爲照知縣張旆久歷邊邑政尚循良旣經撫按具題前來相應酌擬合候命下將張旆量加從五品服色俸級行令仍管

該縣事務待後政績有成仍以知州叙遷
隆慶四年四月二十四日題二十六日奉
聖旨是

議處廣東有司官加恩疏

看得巡撫廣東地方兼贊理軍務都察院
右副都御史熊汝達巡按廣東監察御史
楊標查議得韶州府知府李渭肇慶府四
會縣知縣劉順之委皆治行廉能歷俸三
年以上民情既愜輿論攸歸似應優處留
任以終民惠各一節爲照知府李渭知縣
劉順之既經撫按官會議前來俱與本部
查訪相同相應議處合候

命下將李渭加陞從三品服俸劉順之加陞從
五品服俸仍管原府原縣事務以示優異
本部各給文憑令其欽遵行事以後如果
不替初心政成之日另議陞用隆慶四年
五月十九日題二十一日奉

聖旨是

議處江西縣官加恩疏

看得巡撫江西等處地方兼理軍務都察院右副都御史劉光濟咨稱查得袁州府萬載縣知縣胡文光廣信府永豐縣知縣韓詩俱歷俸三年之上地方相宜政績已著似應量加服俸責令久任各一節爲照知縣胡文光韓詩既經都御史查議移咨前來俱與本部查訪相同相應依擬合候命下將胡文光韓詩俱加陞從五品服俸仍各管原縣事務以示優異本部各給文憑令其欽遵行事以後如果不替初心政成之日各照所加從五品咨格陞用隆慶四年五月二十一日題二十三日奉

聖旨是

議處福建州縣官疏

看得提督軍務兼巡撫福建地方都察院右僉都御史何廣題稱會同巡按福建監察御史蒙詔要將汀州府清流縣知縣劉

光奕量加五品職銜邵武府邵武縣知縣
鄭夢賚加五品服俸責令照舊在任管事
等因奉

聖旨吏部知道欽此案查州縣正官加陞職級
先年該本部具題奉有

欽依但州縣官加以職銜則名分尊崇仍管原
務則禮節卑屈上下之間易生乖梗若止
加服俸亦足示優復該本部具題奉

聖旨是欽此今該前因通查案呈到部爲照知
縣劉光奕鄭夢賚既經撫按官會議具題
前來合依新例議處恭候

命下將劉光奕鄭夢賚俱加陞從五品服俸仍
各管原縣事務以示優異本部各給文憑
令其欽遵行事以後如果不替初心政成
之日各照所加從五品資格陞用隆慶四
年五月二十一日題二十三日奉

聖旨是

議處廣西官員久任疏

看得巡撫廣西地方都察院右僉都御史
殷正茂巡按廣西監察御史李良臣各稱
南寧府橫州知州鄭國臣平樂府脩仁縣
知縣唐執中二員似應久任加陞職銜或
加服俸以勵人心及崇善縣知縣徐宗靜
平南縣知縣俞獻可應聽叙遷各一節除
知縣徐宗靜俞獻可已經叙遷無容別議
外爲照知州鄭國臣知縣唐執中既經彼
處撫按官會議前來相應酌處合候

命下將知州鄭國臣量加正五品服俸知縣唐
執中量加從五品服俸仍各管原州縣事
務各給文憑令其欽遵行事以後如果政
績有成仍照今加服俸品級陞用隆慶四
年九月初六日題初八日奉

聖旨是

議處知州唐執中疏

該廣西巡撫殷正茂會同巡按御史李良
臣題稱脩仁縣知縣近陞陝西寧羗州知

州唐執中原委經理古田事宜今古田既
陞爲永寧州治欲將本官改留本州及將
今陞知州就近調用等因奉

聖旨吏部知道欽此欽遵抄出送司查得廣西
脩仁縣知縣唐執中於隆慶五年二月陞
陝西寧羗州知州又查得新設永寧州知
州於五年五月將廣東香山縣知縣周行
陞補訖及查廣西別無州缺通查案呈到
部爲照廣西撫按官題奉

欽依改陞州治之時本部恐其缺官已將廣東
香山縣知縣周行就近陞補今稱唐執中
熟諳夷情地利改授爲便似宜俯從但新
任知州周行該省並無州缺可調相應一
併酌議題

請合候

命下將未任陝西寧羗州知州唐執中改授廣
西永寧州知州及查隣省湖廣隨州知州
員缺就將周行改補本部各更給文憑令

其到任管事隆慶五年六月三十日題七

月初二日奉

聖旨是

掌銓題葉卷之十三終

